



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 414
e – mail: info@voda.ba

Broj: **UP-1/21-1-40-123-3/22**
Datum: **21.03.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica JP „CESTE FEDERACIJE BIH“ d.o.o. Sarajevo, za izdavanje prethodne vodne saglasnosti za rekonstrukciju raskrsnice na magistralnoj cesti M4, na zemljištu označenom kao k.č. broj: 1249/134, 1270/8 i 1357 K.O. Prnjavor, općina Kalesija, na osnovu člana 200. stav 1. Zakona o upravnom postupku («Službene novine Federacije BiH», broj 2/98, 48/99), **donosi**

RJEŠENJE

1. Odbija se zahtjev Investitora JP „CESTE FEDERACIJE BIH“ d.o.o., Sarajevo, u postupku izdavanja prethodne vodne saglasnosti, za aktivnost rekonstrukcije raskrsnice na magistralnoj cesti M4, na zemljištu označenom kao k.č. broj: 1249/134, 1270/8 i 1357 K.O. Prnjavor, općina Kalesija, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i sl.

Obrazloženje

Podnosilac zahtjeva JP „CESTE FEDERACIJE BIH“ d.o.o., Sarajevo dostavio je ovoj Agenciji zahtjev broj: 01-02.2-1023-33/21MČ za donošenje rješenja o prethodnoj vodnoj saglasnosti, zaprimljen 09.03.2022. godine i dopunu zahtjeva broj: 01-02.2-1023-35/21MČ dana 18.03.2021. godine, za aktivnost rekonstrukcije raskrsnice odnosno izgradnje kružnog toka na magistralnoj cesti M4, na zemljištu označenom kao k.č. broj: 1249/134, 1270/8 i 1357 K.O. Prnjavor, općina Kalesija.

U provedenom postupku dostavljena je i pregledana sljedeća dokumentacija:

- A. Opšta dokumentacija:
- Ovjerena kopija Aktuelnog izvoda iz sudskog registra od 22.01.2020. godine, Općinski sud u Sarajevu;
 - Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Sarajevo, 01.07.2016. godine;
 - Ovjerena kopija izvoda iz regulacionog plana „Proizvodno-poslovne zone Kalesija Grad, Kalesijsko Polje i Četeništa“ plan prostorne organizacije sa uređenjem zelenih površina – sekcija 1, za parcele k.č. 1249/134 i 1270/8 K.O. Prnjavor, izdato od Službe za prostorno uređenje, geodetske i imovinsko – pravne poslove Općine Kalesija, 02.08.2021. godine;
 - Ovjerena kopija izvoda iz regulacionog plana „Proizvodno-poslovne zone Kalesija Grad, Kalesijsko Polje i Četeništa“ plan saobraćaja i nivelacija – sekcija 2, za parcele k.č. 1249/134 i 1270/8 K.O. Prnjavor, izdato od Službe za prostorno uređenje, geodetske i imovinsko – pravne poslove Općine Kalesija, 02.08.2021. godine;
 - Ovjerena kopija katastarskog plana R 1:4500 za parcelu k.č. 1357 (magistralni put) K.O. Prnjavor, izdato od Službe za prostorno uređenje, geodetske i imovinsko – pravne poslove Općine Kalesija, 05.05.2021. godine;
 - Ovjerena kopija posjedovnog lista broj 2680, za parcelu k.č. 1357 (magistralni put) K.O. Prnjavor, izdato od Službe za prostorno uređenje, geodetske i imovinsko – pravne poslove Općine Kalesija, 05.05.2021. godine;
 - Ovjerena kopija katastarskog plana R 1:2500 za parcele k.č. 1249/134 i 1270/8 K.O. Prnjavor, izdato od Službe za prostorno uređenje, geodetske i imovinsko – pravne poslove Općine Kalesija, 06.08.2021. godine;
 - Ovjerena kopija posjedovnog lista broj 2680, za parcele k.č. 1249/134 i 1270/8 K.O. Prnjavor, izdato od Službe za prostorno uređenje, geodetske i imovinsko – pravne poslove Općine Kalesija, 06.08.2021. godine;

- Ovjerena kopija zemljišnoknjižnog izvotka za parcele k.č. 1249/134 i 1270/8 K.O. Prnjavor, izdato od općinskog suda u Kalesiji, 06.08.2021. godine;
- Kopija obavijesti Ministarstva prostornog uređenja i zaštite okolice broj: 12/1-19-009538/21 od 22.03.2021. godine u kojoj je navedeno da za predmetnu aktivnost nije potrebno izdavanje okolinske dozvole;
- Ovjerena kopija rješenja o urbanističkoj saglasnosti za radove na rekonstrukciji raskrsnice, broj: UPI/03-19-2-58/21 od 05.11.2021. godine, Federalno ministarstvo prostornog uređenja;
- Dokaz o uplaćenju administrativnoj taksi za izdavanje vodne saglasnosti u iznosu 60KM;
- Dokaz o uplaćenju administrativnoj taksi za izdavanje prethodne vodne saglasnosti u iznosu 80KM.

B. Tehnička dokumentacija:

- Studija za izdavanje prethodne vodne saglasnosti za izgradnju kružnog toka na spoju magistralne ceste M4 sa regionalnom cestom Kalesija – Sapna i novoplaniranom lokalnom cestom Kalesija pogon – Sprečko Polje – Drvenice – Osmaci, urađen od strane Ipsa Institut d.o.o. i ASI Inženjering d.o.o. Sarajevo, mart 2022. godine (u printanom i elektronskom obliku – CD);
- Glavni projekat hidrotehničke faze projekta kružnog toka na spoju magistralne ceste M4 sa regionalnom cestom Kalesija – Sapna i novoplaniranom lokalnom cestom Kalesija pogon – Sprečko Polje – Drvenice – Osmaci, urađen od strane Ipsa Institut d.o.o. i ASI Inženjering d.o.o. Sarajevo, mart 2022. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je slijedeće:

U sklopu aktivnosti modernizacije magistralnih puteva u Federaciji BiH, koje provodi JP CESTE FEDERACIJE BiH, planirana je i aktivnost rekonstrukcije raskrsnice odnosno izgradnje kružnog toka na spoju magistralne ceste M4 sa regionalnom cestom Kalesija – Sapna i novoplaniranom lokalnom cestom Kalesija pogon – Sprečko Polje – Drvenice – Osmaci, kojim će se osigurati propusna moć, zadovoljavajući nivo usluge i povećati sigurnost učesnika u saobraćaju.

Kroz postupak donošenja rješenja o prethodnoj vodnoj saglasnosti je odlučeno o postojanju uvjeta za realizaciju planiranih radova prema podnesenom zahtjevu i dostavljenoj projektnoj dokumentaciji koja obrađuje dio koji se odnosi na prikupljanje i konačnu dispoziciju oborinskih voda sa saobraćajnice, te utvrđeno slijedeće:

- Prema dostavljenoj dokumentaciji predviđen je zatvoreni sistem odvodnje kružne raskrsnice gdje se atmosferske vode sa asfaltnih površina kontrolisano prikupljaju i odvođe do recipijenta;
- Predmetni kružni tok se ne nalazi u zonama sanitarne zaštite izvorišta koja se koriste za potrebe javnog vodosnabdijevanja;
- Lokalitet na kome se planiraju radovi na rekonstrukciji raskrsnice i sam kružni tok nije u koliziji sa stalnim, privremenim i povremenim vodotocima u smislu ukrštanja i kolizije sa istim;
- Rješenje prikupljanja i konačne dispozicije oborinskih voda ne mijenja način odvodnje postojeće raskrsnice i ne utiče na izmjene režima površinski i podzemnih voda u odnosu na postojeće stanje;
- Obzirom da se radi o ograničenom potezu tj. samo o kružnoj raskrsnici koja je predmet projekta, nije predviđeno prečišćavanje prikupljenih oborinskih voda prije ispuštanja u recipijent;
- Ispuštanje prikupljenih voda se vrši u postojeći povremeni potok na dva mjesta. Potok prolazi ispod raskrsnice postojećim propustom DN1000 mm, za koji je urađena hidraulička provjera kapaciteta istog.

U dostavljenoj tehničkoj dokumentaciji data su potrebna tehnička rješenja koja se odnose na problematiku voda, način prikupljanja i ispuštanja oborinskih voda sa kolovozne konstrukcije raskrsnice te provjera uslova obezbjeđenja proticaja velikih voda $Q_{1/100}$ kroz postojeće otvore propusta. Predviđena su tri neovisna sistema (kolektora) za prikupljanje vode sa kolovoza sa dva ispusta u postojeći povremeni potok (propust), sa adekvatnim osiguranjem glave ispusta.

Nakon uvida u dostavljenu dokumentaciju utvrđeno je, sa aspekta sektora voda, da uslijed planirane rekonstrukcije predmetne raskrsnice neće doći do neželjenih uticaja predmetnog objekta na režim voda i promjene režima voda u odnosu na postojeće stanje odvodnje te u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije, zbog čega se zahtjev smatra neosnovanim, s toga je riješeno kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka

Nihad Pezo, dipl.inž.građ.

- Prilog: Glavni projekat hidrotehničke faze projekta kružnog toka na spoju magistralne ceste M4 sa regionalnom cestom Kalesija – Sapna i novoplaniranom lokalnom cestom Kalesija pogon – Sprečko Polje – Drvenice – Osmaci, urađen od strane Ipsa Institut i ASI Inženjering d.o.o. Sarajevo, mart 2022. godine.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- JP Ceste Federacije BiH, Terezija 54, 71000 Sarajevo (Prilog)
- AVP Sava, ISV - vodna knjiga - ovdje
- ⊙ Arhiva - ovdje
- Oglasna ploča AVP Sava